

plötzlich isch alles anderscht. schoel und Chinder-  
garte si geschlosse. Villi tolli sache finde nömm  
statt. S' git nöii Verhaltensregle. Die meischte  
Läde si zue.

Ei Türe aber isch immer offe. Jede Tag und jedi  
Nacht. D' Türe zu Gott. Är will für Di do si.

Und grad jetzt, wo vieles unsicher isch, möcht  
är Dir hälfe. So wie bi öiser letschte Gschicht  
vo de drü Böim. Wo mir mit Jesus im Boot  
gsi si und dr Sturm cho isch. "Jesus hilf!"  
hei mir gruefe. So dörfe mir au jetzt rüefe.  
Du darfsch Gott um alles bitte. Weisch no im  
Lied: "I bi enttüscht?" Du chasch ihm alles  
säge, was Dich beschäftigt. Du chasch ihm  
au danke für das, was guet lauft.

Wenn Du noni regelmässig bättisch, chönntisch  
's 'mol probiere. Zum Bispiel immer vor em  
lischlofe, oder am Morge, oder amene  
bestimmte Ort, villicht under eme Baum.

Für Gott isch es nid wichtig wenn oder wo  
Du zu ihm redsch. Du chasch au uf em

WC bätte. Wichtig isch, dass Du 's machsch  
und ihm vertrousch (so wie im Lied)

gott het versproche, dass är immer

für öis do isch.

Är Loht Öis Nid Ellei.

Villicht kennsch Du öpper, wo 's grad nid guet goht. Wie wer 's, wenn Du dere Person e Zäichnig machsch, e Brief schriebsch, öppis hilfsch oder für sie bättisch?

Wenn ich öppis für Dich oder Dini Familie cha tue, denn seisch es oder legsch mir es zetteli in Briefcharchte.

Obwohl jetzt kei Sunntigschuel isch, möcht i trotzdem e chli öppis mit Euch mache.

Gott het d' Wält in 7 Täg gschaffe.

Die nöchschte 7 Wuche (ab em 28. März) git 's immer e Teil vo dr Schöpfigs-gschicht und derzue Idee zum Baschtle und Spiele.

Freiwillig natürlich.

gottes schützendi Hand  
um Dich und Dini  
Familie,

silvia

öppis WICHTIGS fascht vergesse: Ganz e liebe Gruess vo dr Ramona. Sie si in Rumänie aho, bevor d' Gränze gschlosse worde si. Es goht ihre, em Matei und dr Mia guet!